

Tur participante a ricibi un certificado di aprecio

Prome concierto Dominical tabata un exito rotundo

ORANJESTAD - Ultimo diadomingo di luna di januari a tuma luga e prome concierto Dominical Donny Lacle pa 2013 na Manchebo Beach Hotel.

Manera custumber for di trempa publico a cuminsa yega y prome cu e concierto a cuminsa ya caba sala tabata yen di hende.

E comision a presenta un programa hopi varia y hopi atractivo y tur hende a gosa un mundo.

E prome actuacion tabata di The KrossHart Cuartet, consistiendo di Siegfried Hart riba drum, Denny Loefstop riba baho, Chris Kross riba guitarra y Lidrick Solognier riba percusion.

E hobennan aki, entre 15 y 20 aña di edad, a laga tur hende impresionar cu nan repertorio di jazz y cu e calidad di nan presentacion.

Despues a sigui un homenahe na Wolfgang Amadeus Mozart, kende a nace 257 aña pasa riba 27 di januari. E gran pianista Livio Hermans a per-



Livio Hermans riba e Piano Clasico di The French Steak House.

cura pa algun menuet di e.o. Mozart mes, di Luigi Bokerini y tambe di Ludwig van Beethoven. Su presentacion a sigui cu pisa di Padu Lampe, Oswald Wever, Jacobo Conrad y Shon Toni de Palm. E ultimo pisa el a dedica na Sr. Hubert Booi kende tabata presente.

E concierto dominical aki a clausura cu presentacion di e

duo The Evergreens, Don Alfredo y Don Frederico, kendenan a trece un variedad di musica hopi conoci di decada cincuenta bin ariba. Tur hende a canta hunto cu nan, cerando asina e prome Concierto Dominical Donny Lacle di 2013.

Tur participante a ricibi un certificado di aprecio pa nan participacion. □